


錦繡萬花谷續集

一





據中國國家圖書館藏宋刻  
本影印原書版框高十九  
六釐米寬十三·三釐米



錦繡萬花谷續集目錄



卷之二

聖製



作琴歌南風

席四端為銘

大風鴻鵠歌

白麟天馬歌

一扎十行

造皇義篇

登高必賦

下筆成章

詩號官體

製五言詩

馬上口授

金河賦詩

作宮體詩

著金鑑述

文宣王充國公贊

文宣王七十二子贊

賜蘇易簡賦

賜楊億詩序

製詩賜學士

作詩賜近臣

作憫農歌

作釣魚詩

作元良箴

資善堂記

危竿論

敬器論

親製通鑑序

製文宣王贊

作損齋記

跋冷泉堂

詠金芝

作春賦

賜東坡文集贊

錫宴賜詹駉詩

詩

聖翰

龍書穗書

鳥跡為篆

鸞鳳之書

科斗之篆

龜書

鳥書

細書

章草

詔賜李靖

書賜馬周

批與韓翃

飛白書

筆諫

飛白玉堂之省

飛白祕閣二字

御書十二軸

東宮十二字

賜文儒二字

賜端敏二字

宮中學草聖

石墀皆草聖



寫通鑑賜宰臣 書說命賜臣下  
卷之二

聖壽

乘白雲至帝鄉 夢帝與我九齡 虎拜萬年

嵩呼萬歲 未央置酒 凌煙起舞

奉觴 刻杯 千秋金鑑錄

元日椒花頌 四百四十五甲子

八千歲為春秋 松柏 蟠桃

奉觴會慶殿 開宴凌虛閣 詩

聖節

生於丹陵 生於姚墟 龍顏

馭郊 履帝武敏歆 稟賢妃胎誨

神光之異 雲氣青園 八月千秋節

十四月乃生 詩

聖學

學于大墳錄圖 舊學于甘盤 著新語十二篇

刺六經作王制 讀紀侯去國之事

從兒寬問書一篇 受詩於渡中翁

師受論語孝經 詔諸儒講五經 召公卿講經理

受書通大義 受書於豆榮 好尚書左傳

銳情經術 息馬論道 如鳥有翼

讀書嘆刑綱之密 召王昭素等講易

鶴飛上殿 國家龜鑑 便殿閣書

邇英講詩 夜分觀書 帝季八卷



禁中日課

差講讀官

讀尚書資治通鑑

樂聞祖宗謨訓

詩

經筵

論經石渠閣

說書金華殿

巨榮奏經義

張誦講尚書

講經白虎觀

更直弘文館

入內侍讀

侍講侍讀

六經法言

經史要錄

置講席於便殿

設直廬於祕閣

侍讀賜緋魚

講官賜坐飲茶

雙日御經筵

雙日講讀

二月開經筵

八月不罷講

金華五箴

獻講箴

三經要語

條上十議

賜坐講讀

復坐講之禮

說書不兼侍讀

侍從乃兼講讀

卷之三

留題明

臨安府

安吉州

平江府

嚴州

江陰軍

紹興府

慶元府

卷之四

台州

溫州

婺州

處州

衢州

建康府

太平州

寧國府

徽州

信州

池州

饒州

南康軍

隆興府

袁州

卷之五



江州

吉州

贛州

建昌軍

南安軍

揚州

真州

楚州

泰州

通州

滁州

盱眙軍

廬州

安慶府

卷之六

潭州

衡州

永州

郴州

寶慶府

江陵府

鄂州

常德府

岳州

峽州

歸州

德安府

荊門軍

襄陽府

郢州

成都府

崇慶府

眉州

綿州

漢州

潼川府

夔州

忠州

涪州

黔州

卷之七

福州

建寧府

泉州

汀州

南劍州

邵武軍

興化軍

廣州

韶州

循州

潮州

靜江府

柳州

雷州

象州

昭州

梧州

潯州

昌化軍

吉陽軍

卷之八



武臣大尉

安劉

耀威奮武

恨無官酬公

齊七政訓五兵

立五廟

旬月使者八至

聯騎立門外

斂馬後舍人行

據座受奉人拜

千牛

貌如不武

有古人之風

鎮南北軍

委以禁旅

當今名將

宮庭警備

金吾衛將軍

持法平正

矜嚴公正

任國柱石

不畏疆禦

勝數萬衆

仕官當作執金吾

連呼太平

東西上閣門

十一人

六七品

儀制十二卷

忠孝勤謹

宣導贊唱

此非可恩澤授

兼稱祗候

在京在外

揀用六人

杖節牧羊

威振西域

至北庭不拜

建節出關

與胡妻婦

持節斬樓蘭

口四伐可汗

一介行李

立屏盜碑

作殺賊字

有膽氣好弓馬

老羅當道

廳事列軍儀

忠實為本

卷之九

節度使

授鉞

處先人舊宅

五長十連

雙旌六纛

隼旗驚冕

豹尾神旗



山玄朱組

元纛青旌

○觀察使

神人

賜鞭表忠節

繫魚示優恩

進綾一千疋

○團練使

一字論一事

副使八品

○防禦使

求立德政碑

俸錢施飢民

畫像禦鬼疾

吏民請頌德

○鈐轄

與總管同議軍

置知州即生事

逐路置一員

○都監

掌邊防訓練

寨主之下

趙虎頭

閣門以上

樞密選人

護戎司軍旅

○巡檢

務在武勇

一州止留一員

二縣至十縣

閣門祗候以上

緣邊緣海

卷之十

○美丈夫

誰家玉人

執塵與手一色

連璧

明珠

容貌甚麗

神仙之類

冠玉

賣珠

得着無恨

牆窺

龍章鳳姿

疑脂點漆

與珪璧等質

行



醜人

大頭龍驤

興我宗必此兒

銳頭

色如漆

不可示遠人

飲食無威儀

奴僕之下

駘他

子羔貌惡

伯倫形陋

頭隱有高

長頸鳥喙

深目窈斗

嫫母

神色卑下

孔明婦

印鼻

項有大瘤

三逐五逐

厚送

五不可

所乏惟容

勃屑

賦

詩

長人

脚跡六尺

魁梧有爽氣

見襄武

輶車不能載

眉見軾

骨節專車

長狄五丈

千秋八尺

百鼻雄異

體貌魁梧

釣六鼈

大衽七尺三寸

拂蓋郎

十丈數之極

腹圍百輔

一手當胃

賦

讚

短人

臧紇

高柴

優旃

行步僂僂

行不勝衣

不從狗門入

坐起端方

不理節操

精悍敏捷

巨靈七寸

畏海鵠

陀移國

巴巔馬

聒人

東方詒騶

賦



卷之十一  
類姓門

馮

童

龔

鍾

宮

雍

龐

熊

宗

龔

龍

豐

翁

卷之十二

郝

施

綦

師

朱

魚

麋

眭

韋

伊

疏

徐

卷之十三

胡

蘇

蒲

舒

嵇

齊

倪

余

吳

苻

俞

黎

歸

吾

符

于

奚

注

兒

皮

支

時

盧

閻

虞

江

蒙

終

洪

封

種



卷之十四

裴

梅

枚

雷

臺

來

柴

崔

陳

秦

由

陳

卷之十五

荀

辛

甄

真

文

殷

云

雲

袁

爰

轅

垣

樊

元

源

言

原

孫

溫

渾

孫

卷之十六

韓

寒

干

蘭

檀

欒

桓

潘

安

顏

班

關

山

田

延

錢

田

延

卷之十七

燕

邊

牽

全

權

泉

堅

宣

連



蕭

刀

堯

姚

姚

晁

姚

喬

譙

焦

苗

包

巢

茅

曹

陶

高

毛

卷之十八

何

羅

和

車

巴

楊

揚

陽

羊

姜

梁

涼

房

章

康

葦

常

莊

郎

方

卷之十九

王

張

卷之二十

黃

臧

倉

唐

皇

光

汪

桑

程

彭

平

英

明

荆

京

榮

成

丁

邢



卷之三十一

曾

寧

應

卷之三十二

周

丘

鄒

樓

仇

游

卷之三十三

牛

侯

婁

牟

任

陰

卷之三十四

岑

金

林

嚴

廉

南

閻

甘

譚

卷之三十五

詹

董

孔

鞏

項

史

紀

是

米

彌

李

呂

李<sub>下</sub>

許

伍

褚

伍

魯

杜

古

武

庾

祖

魯

尹

閔

武



卷之二十七

阮

管

罕

雋

展

趙

鮑

馬

趙

卷之二十八

賈

夏

左

蔣

柳

左

卷之二十九

苟

耿

丙

邴

井

景

穎

沈

范

卷之三十

宋

仲

貢

魏

季

摯

費

傳

顧

路

度

衛

蔡

卷之三十一

祭

解

戴

蒯

藺

貞

段

灌

萬

晏

卞

邵

召

到

暴

賀

謝



卷之三十二

華

向

鄧

審

敬

鄭

孟

盛

寇

富

卷之三十三

竇

廖

陸

穆

祝

卜

束

谷

麴

伏

服

樂

卓

畢

邳

吉

葛

屈

尉

卷之三十四

郭

霍

郝

索

石

翟

郤

白

席

劇

柏

鄺

狄

戚

薛

折

卷之三十五

汲

習

蓋

葉

法

司馬

夏侯

宇文

鍾離



歐陽	令狐	獨孤
諸葛	申屠	淳于
鮮于	太史	尉遲
屈突	司空	公儀
皇甫		

卷之三十一

公孫	叔孫	王孫
長孫	哥舒	達奚
万俟	慕容	賀若
賀婁	斛斯	斛律
豆盧	庫狄	若干
樗里	上官	百里

卷之三十七

○漏刻

吾丘	由吾	西門
成公	胡毋	高堂
聞人	秃髮	黑齒
乞伏	第五	東方
主父	侯莫陳	阿史那

權器	流珠馬上	金龍吐水
司辰	別早晚	左壺右壺
置史	女史星	五夜
五鼓三鼓	置鍾	夏歷
為郎典刻漏	漢用秦法	



帷幕

紫綃帷

青油幕

置人形

色尚黑

律曆成

合䟽縷

張綺羅

安坐誦書

延年寢止

孔子見衛夫人

子房運籌

詩

屏風

雲母

賜毛玠

悞壓

惡白字

畫烈女傳

龜甲

詩

簾箔

牙篋

翠羽

昭陽殿

明光宮

詩

床

珊瑚

瑇瑁

麀角

七寶

神女金

仙人石

楚獻象牙

華山白玉

卷之三十八

席

五香五采

茅葭

著艾

碧蒲

白莞

迴風

半月

麟文寶飾

冬設

戴益五十

殷重八九

詩

扇

鵲翅

雉尾

翟羽



白羽

六角

莫難

桃枝

仲祖畫

詩

○香爐

金鏤

四周

九層

詩

○鏡

三尺

百鍊

視鹿

照犬

應語

寫形

石如月

粉以玄錫

表裏有明

詩

○鏡臺

詩

○舟

梁麗

吳艚

沙棠木

翔鳳

鷓首

鴨頭

逐龍

馳馬

錦維

餘皇

太白

詩

卷之三十九

○車

施轄

赤轂白蓋

紫蓋朱棗

純雲母

皮軒

象天法地

班蘭耳

重牙貳轂

箱用鷓翅

六材皆良

燈



蟠螭口

九龍五鳳

日照星明

銅駝頭

龍膏

鳳髓

玳脂

鳳腦

九光

詩

燭

穿壁

絕纓

東壁餘光

闇坐

有玉

致神

詩

煙

五色

活畫龜

土然煙起

火盛煙滅

白鷄繞噪

香雲

妨火

張天

連天

五色

詩

火

始燔灸

頻爚

惑讒必有災

從井出

下炎上

焚彝器

取象

烏化為雀

流王屋

陰居內

松拓燧

梓慎登望

孤鳴

束蘊

竈突

光戟

生矛

蔽窻

塗隙

神丘宄

延北閣

越東家

憑薪傳談

擬以制禮

珠足以扞

方井獸

卷之四十



○羊

跪乳

土怪

獄精

賁首

叱石

嗽珠

光耀滿室

大尾

一角

○豕

無爵有秩

豕人

木蘭橋

三月六月生

四月生

白蹄

○鼠

銜炷

齧鞍

盜肉

○雞

玉衡星

積陽

五德

胡髯

六指四距

重翼

芥羽

能言

雙頭四足

四翼四足

朝往夕還

鳴雲中

詩

○鷹

制鵬雛

秋吟

金剛俊鳥

○鳥

陽精積成

返哺

萃冠

巢門

啄魚

詩

○鵲

東嚮鳴

環丘

背太歲

# 錦繡萬花谷續集目錄



錦繡萬花谷續集卷之一

聖製

作琴歌南風

舜作五絃之琴以歌南風曰南風之薰兮可以解吾民之愠兮南風之時兮可以阜吾民之財兮史記

席四端為銘

武王為戒書於席之四端為銘焉至於机檻照楹杖帶履觴豆戶牖弓劍皆銘焉同上

大風鴻鵠歌

高祖過沛宮酒酣擊筑歌曰大風起兮雲飛揚威加海內兮歸故鄉安得猛士兮守四方又作鴻鵠歌前本紀

白麟天馬歌

武帝元狩元年祠五時獲白麟作白麟之歌元鼎四年秋馬生渥洼水中作寶鼎天馬之歌本紀

一札十行

光武細書成文一札十行本紀

造皇義篇

靈帝好文學自造皇義篇因引諸生能為文賦者並待制鴻都門下本紀

登高必賦

魏武帝登高必賦及造新詩皆成樂章又有月明星稀烏鵲南飛之句三國志

下筆成章

文帝好文學以著述為務作燕歌又有芙蓉池作又作典論二十篇陳壽評曰帝天姿文藻下筆成章同上





詩號宮體

宋簡文帝六歲能屬文雅好賦詩其自序云七歲有詩癖長而不倦然帝文傷於輕靡時號宮體南史

製五言詩

陳後主與江總等制五言詩隋文帝紀

馬上口授

北朝元魏高祖孝文帝才藻富贍好為文章詩賦銘頌有大文筆馬上口授及其成也不改一字自太和十年已後詔冊皆帝文也李延壽論

金河賦詩

隋煬帝善屬文好讀書著書自為揚州總管置王府學士百人時車駕沂金河啓民上壽帝悅賦詩曰呼韓稽顙至單于接踵來何如漢天子空上單于臺通鑑本紀

作宮體詩

唐太宗作宮體詩賡和虞世南曰聖作誠工然體非醇正臣恐此詩一傳天下風靡不敢奉詔帝曰朕試卿爾世南傳

著金鑑述

唐太宗作帝範十二篇賜太子正觀二年帝著金鑑述以示侍臣其略曰任賢享天下之福任不肖受天下之禍唐史

文宣王及兗國公贊

本朝太祖作至聖文宣王及兗國公贊文宣贊曰尼父挺生河海標異祖述堯舜有德無位鑿坡遺事

文宣王七十二子贊

太宗作文宣王及七十二子贊宣聖贊曰維時載雍載此武功肅昭威儀海宇聿崇遺事

賜蘇易簡賦



太宗賜蘇易簡大言賦云少年盛世方為詞臣往古來今有  
幾人首出文章方居翰林儒名善守方合緣黃遺事

賜楊億詩序

太宗製詩賜楊億序云圖書之閣方委於名儒蘭菊之篇特  
仲於寵待同上

製詩賜學士

太宗御製大雪詩賜學士云輕輕相亞凝如酥宮樹花裝方  
萬株同上

作詩賜近臣

太宗作會邊詩賜近臣又作詩賜趙普 真宗即位藏禁  
中如太清樓玉清殿龍圖閣所藏皆太宗聖製也同上

作憫農歌

真宗作憫農歌又作十一經詩賜近臣長編

作釣魚詩

真宗宴後苑作釣魚詩賜呂蒙正云欲餌金鈎深未致磻谿  
須問釣魚人事要

作元良箴

真宗天禧初作元良箴賜太子又製祥瑞勤政二論春秋要  
言寶訓

資善堂記

真宗祥符中詔築堂為皇太子就學之所賜名資善上作記  
刻石堂中聖政

危竿論

仁宗慶曆四年御邇英出危竿論二篇述居高謹危之意事

敬器論

仁宗作敬器論一篇以申存亡虧盈之鑒長編



親製通鑑序

神宗治平初司馬讀資治通鑑上親製序而賜光金佶書成日駕入賜穎邸書帝季

製文宣王贊

高宗文宣王贊曰大哉宣聖斯文在茲帝王之式古今之師聖人損齋記

高宗作損齋記所謂為道日損損之又損以至無為大略以清心寡慾省徭薄賦為意通略

跋冷泉堂

高宗跋冷泉堂古風以謂造語用意高出百世之上

詠金芝

高宗既贊宣聖又贊七十二子詠金芝之親筆六經刊石上庠揮洒宸翰分頒臣下聖政

作春賦

孝宗作春賦云吾將觀登臺之熙熙包八荒而為家穆然若東風之振槁洒然若膏雨之萌芽聖政

賜東坡文集贊

孝宗賜蘇轍東坡文集贊云荷嗟若人冠冕百代忠言讜論不顧身害凜凜大節見於立朝敬想高風掩卷三嘆聖政

錫宴賜詹駉詩

孝宗淳熙二年錫宴賜詹駉以下詩末云願臻至治觀熙治更罄嘉謀為贊遺事

詩

未離海底千山黑纔到天中萬國明太祖詠月昔東匹馬去今驅萬葉來太宗翰林承旨貴清淨玉堂中應用咸依式深嚴比西宗歸家思直日入內聚英風儒措門生盛高明大化



雄太宗賜蘇易簡瑣闥往年司制誥共嘉藻思類相如蓬山

今日詮墳史還仰多聞過仲舒報政列城歸覲後疏恩高閣

拜官初諸生濟濟彌瞻望鈔槧咨詢辨魯魚真宗賜楊億七

闕山水多才俊三歲奇童出盛時家世應傳清白訓嬰兒自

得老成資初嘗學步來朝謁方及能言解誦詩更勵孜孜圖

進益青雲千里有前期賜神童蔡伯儔禮闈選士古稱難都

為陞沉咫尺間較藝清時公道在掄材應得惠人寰賜知舉

晁迥盛時選士貢闈開罄宇聞風獻藝來心似權衡求實效

勿教蓬蒿有遺才同上承明近侍究儒玄苦學勞心疾已痊

善保興居調飲食副予前席待名賢賜楊億寅奉昌圖紹慶

基選掄多士叶前規鄉閭薦拔期無濫草澤搜羅詎有遺德

舉况逢全盛日計借咸造廣場時春官任職當求善宗伯掄

材務得宜侍從名儒當委任藝文公道辨妍媸佇伸衡鑑裁

深念允協菁莪樂育詩賜知舉錢惟演四海為家贊緒隆旁

求文雅振儒風命鄉隨計來多士較藝掄材有澤宮簪紱近

臣當顯任絲綸深旨諭丹衷旰宵汲汲予存念夙夜孜孜爾

徇公名實豈惟衡鑑內賢能皆萃網羅中佇觀翹楚登時用

布政分憂協庶功放榜賜詩恩袍草色動仙籍桂香浮仁宗

每處文揚心妄意遵遺業顧予不武資何以成戎捷神宗北

極聯龍袞秋風折鴈行徽宗挽哲廟六龍轉淮海萬騎臨吳

津王者本無外駕言蘇遠民瞻被草木秀感此瘡痍新登高

望稽山懷哉大禹勤高宗幸錢明閱盡歲寒長不老擊心仁

智頗優閑高宗詠冷泉堂雨聲亂秋聲驅暑逾南海涼月倍

清輝細雲變文彩長空肅無限遠山青不改沉吟感素商淒

清鳴萬籟平生雄武心覽鏡朱顏在豈惜常憂勤規恢須廣

大孝宗中興日月箕山河王氣在萬物飾昭回稽首王言大光



聖翰

龍書穗書

包羲獲景龍之祥始作龍書神農因嘉禾八穗作穗書

章續字源

鳥跡為篆

黃帝史倉頡變古文寫鳥跡為文字作鳥跡篆

唐賢事始

鸞鳳之書

少昊作鸞鳳之書取以古文

科斗之篆

顓帝以科斗之形作科斗書亦曰科斗之篆

龜書

堯因軒轅靈龜有圖作龜書洛出書神龜負文列於背有數至九禹因而第之以成九類

鳥書

文王時赤雀銜書丹鳥入室故作鳥書

並同前

細書

光武以手迹賜方國皆細書成文本紀

章草

章帝好杜度草書因名章草

詔賜李靖

太宗嘗以手墨詔賜李靖曰兵事節度吾不從中治也

書賜馬周

太宗以飛帛書賜馬周曰鸞鳳冲霄必假羽翼股肱之寄要在忠力

批與韓翃

唐德宗時制誥闕人上批云與韓翃時有與韓翃同姓名者為江淮刺史又具二人同進上復批曰春城無處不飛花寒



食東風御柳斜日暮漢宮分蠟燭青煙散入五侯家與韓翃  
飛白書

高宗嘗為飛白書賜侍臣戴至德曰泛洪源俟舟楫賜郝處  
俊曰飛九霄假六翮賜許敬宗曰資啓沃罄丹誠賜崔志悌  
曰竭忠力贊皇王皆見意於辭云

筆諫

穆宗問柳公權筆法對曰心正則筆正筆正乃可法矣帝改  
容悟其以筆諫也唐史

飛白玉堂之省

本朝太宗飛白書玉堂之省四字令中書召蘇易簡賜之榜  
於廳額曰此永為翰林中美事長編

飛白祕閣二字

太宗淳化三年祕閣成祕書監李至上言願比玉堂之省

賜以新額御飛書祕閣二字賜之又賜詩以美其事長編

御書十三軸

仁宗慶曆四年於邇英閣出御書十三軸凡三十五事

東宮十二字

仁宗在東宮賜張士遜十二字曰寅亮天地弼予一人又曰  
日新其德蘇軾為之贊

賜文儒二字

仁宗書文儒二字賜張方平又飛白書博學二字賜張錫  
賜端敏二字

仁宗賜王舉正端敏字二飛白筆一蘇軾為之記曰抱烏號  
之弓不若藏此筆保曲阜之履不若傳此書蘇文

宮中學草聖

高宗謂秦檜曰朕宮中無事因學草聖遂以賜卿聖政



石墀皆草聖

孝宗曰朕無他嗜好惟書字為娛虞夏文曰臣等外日對罷  
見石墀上皆陛下草聖筆力天縱有風動之狀

馮通鑑賜宰臣

光堯皇帝游意翰墨不以為倦手寫資治通鑑以賜宰臣筆  
孟子論治道之言列之屏障聖政

書說命賜臣下

寧宗嘉泰初御書尚書說命毛詩天保周易泰卦唐七德舞  
以賜臣下



錦繡萬花谷續集卷之二

聖壽

乘白雲至帝鄉

堯觀乎華華封人曰嘻請祝聖人使聖人壽堯曰辭封人曰壽人之所欲也汝獨不欲何邪堯曰壽則多辱非所以養德也故辭封人曰聖人千歲獸世乘彼白雲至于帝鄉何辱之有莊天地篇

夢帝與我九齡

武王曰夢帝與我九齡文王曰古者謂年齡齒亦齡也我百爾九十吾與爾三焉記文王世子

虎拜萬年

虎拜稽首天子萬年詩江漢篇

高呼萬歲

前武帝詔朕親登崇高御史乘屬在朝旁吏卒咸聞呼萬歲者三本紀

未央置酒

淮南王等朝未央宮置酒前殿上奉玉卮為太上皇壽殿上羣臣皆稱萬歲大笑為樂

凌煙起舞

太宗正觀四年突厥頡利可汗朝長安上御順天樓盛陳文物引見上皇聞擒頡利歎曰吾付托得人復何憂哉置酒凌煙閣太宗起舞公卿迭起為壽通鑑本紀

奉觴

武帝東封泰山還登明堂見寬上壽曰癸亥宗祀日宣重光上元甲子肅邕永亨見象日照報降符應臣寬奉觴再拜上



千萬歲壽制曰敬上君之壽前兒覽傳

刻杯

文帝時趙人新垣平使人獻玉杯刻曰人主延壽前郊祀志

千秋金鑑錄

天長節百僚上壽張九齡進千秋金鑑錄五卷舊唐史

元日椒花頌

晉劉臻妻元日獻椒花頌曰美此靈華爰采爰獻聖容映之永壽於萬

四百四十五甲子

左襄三十年絳縣老人曰臣生四百四十五甲子天師曠曰七十二年矣史趙曰亥有二首六身下二如身是其日數也士文伯曰然則二萬六千六百有六旬也

八千歲為春秋

楚之南有冥靈者以五百歲為春五百歲為秋上古有大椿者以八千歲為春八千歲為秋此小大之辨也莊逍遙篇

松柏

如南山之壽不騫不崩如松柏之茂無不爾或承詩天保篇

蟠桃

西王母出桃與帝帝留核欲種母曰此桃三千年一結子非下土所種之物漢武故事

奉觴會慶殿

仁宗天聖中率百官奉觴上壽會慶殿

開宴凌虛閣

孝宗淳熙七年詣德壽宮開宴凌虛閣下奉觴上壽寶訓

詩

上會銜壽酒走索背秋毫杜甫興王會靜妖氛氣聖壽宜通



一萬春同上代是文明晝春當宴喜時爐煙添柳重宮漏出  
花遲造化應神契陽和沃聖慈無因隨百獸率舞奉丹墀揚  
巨源春日賦聖壽無疆詞

合聖節

生於丹陵

堯伊祁姓也母曰慶都孕十四月而生堯於丹陵鳥庭荷勝  
眉有八彩帝王世紀

生於姚墟

瞽叟妻曰握登見大虹意感而生舜於姚墟同上

龍顏

黃帝母曰附寶見大電繞北斗樞星感之而孕二十四月而  
生日角龍顏同上

馭郊

詩長發篇有娥方將帝立子生商注有娥契母也有娥氏之  
國有女簡狄吞馭郊而生契堯封之於商

履帝武敏歆

詩生民篇生民如何克禋克祀以弗無子履帝武敏歆攸介  
攸止載震載夙載生載育時維后稷誕彌厥月先生如達

稟賢妃胎誨

成王體上聖之休氣稟賢妃之胎誨魏文帝周文論

神光之異

晉咸寧二年元帝生於洛陽有神光之異一室盡明本紀

雲氣青圓

魏文帝生時有雲氣青色而圓如車蓋當其上本紀

八月千秋節

唐元宗以生日宴百官於花萼樓下左丞相源乾曜右丞相



張說帥百官上表請以每歲八月五日為千秋節本紀

十四月乃生

前武帝巡河間有奇女召之有寵生昭帝十四月乃生命所  
生門曰堯母門

詩

御氣雲樓敞含風綵仗高仙人張內樂王母獻宮桃杜甫千秋  
秋茂有感鳳紀編生日龍池塹劫灰寶鏡羣臣得金吾萬國  
回同上

聖學

學于大填錄圖

子夏對哀公曰黃帝學于大填顓帝學于錄圖帝學于赤  
松堯學于君疇舜學于務成昭禹學于西王國湯學于成子  
伯文王學于時子思武王學于號叔劉向新序

舊學于甘盤

說命王曰來汝說台小子舊學于甘盤既乃遊于荒野說曰  
王人求多聞時惟建事學于古訓乃有獲尚書

著新語十二篇

陸賈稱說詩書高祖曰乃公居馬上得之安事詩書賈曰馬  
上得之寧可以馬上治之乎遂著新語十二篇每奏一篇帝  
未嘗不稱善陸賈傳

刺六經作王制

文帝使博士諸生刺六經作王制前郊祀志  
讀紀侯去國之事

武帝讀春秋紀侯去國之事曰春秋之義在於復讎於是有  
窮黷之失

從兒寬問書一篇



武帝以尚書為樸學非好後從寬問一篇見寬傳

受詩於渡中翁

宣帝受詩於東海渡中翁本紀

師受論語孝經

宣帝高才好學年十八

受詩論語孝經本紀

詔諸儒講五經

宣帝甘露三年詔諸儒講五經同異蕭望之平奏其議上稱

制臨決焉本紀

召公卿講經理

光武自隴蜀平後數召公卿將講論經理夜分乃寐本紀

受書通大義

光武好經術未及下車先訪儒雅受尚書略通大義後漢史

受書於巨榮

明帝為太子時受書於巨榮即位幸辟雍正坐自講諸儒執

經問難于前同上

好尚書左傳

章帝降意儒術特好古文尚書左氏傳本紀

銳情經術

唐太宗銳情經術即王府開文學館召名儒十八人為學士

既即位置弘文館悉召內學士更番直宿討論文籍唐書

息馬論道

漢光武投戈講藝息馬論道樊準疏

如鳥有翼

唐太宗曰梁武帝君臣惟談苦空侯景之亂百官不能乘馬  
元帝為周師所圍猶講老子百官戎服以聽此深足為戒朕  
所好者惟堯舜周孔之道以為如鳥有翼如魚有水失之則



死不可暫無耳 通鑑

讀書歎刑網之密

本朝太祖嘗讀尚書歎曰四凶之罪止於流竄何近代刑網之密耶 齊訓

召王昭素等講易

太祖召王昭素等講易乾卦至九五飛龍在天則敘容曰此正陛下今日之事

鶴飛上殿

太宗語宰相曰史館所修太史書類日進三卷朕將親覽上曰大凡讀書須性所好昨日讀書從已至申有鶴飛上殿吻罷方去左右曰昔揚震講學有鶴銜鱸墜堂下抑此類也

國家龜鑑

真宗謂王旦曰經史之文國家之龜鑑保邦治民之要盡在是矣又曰朕宮中無事甚樂讀書

便殿閱書

仁宗中書門下請隻日視事隻日如故事前後殿皆不坐上曰隻日當召侍從便殿以閱書史莫不廢學也

邇英講詩

仁宗慶曆五年邇英閣講詩匪風篇曰誰能息 既之金鷲 帝曰老子謂治大國共烹小鮮義與此同否丁度對曰身魚煩則碎治民煩則散 且編

夜分觀書

神宗天資好學禁中觀書或至夜分日御經筵風雨不易 帝 帝學八卷

哲宗元祐五年范祖禹上帝學八卷起伏義止神廟凡帝王學問俱載焉謂自古以來治日常少亂日常多推原其本人



主無學也

禁中日課

高宗紹興七年上曰居常禁中自有日課夜讀尚書率二鼓乃罷聖政

差講讀官

高宗建炎元年詔朕念儒臣以稽先聖之格言雖羽檄交馳亦不可廢可差講讀官四員於內殿講讀聖政

讀尚書資治通鑑

孝宗乾道三年詔洪邁等對選德殿云獨於閒暇取尚書及資治通鑑孜孜而讀之帝之所以帝王之所以王法其所以興戒其所以亡日誦心惟未嘗一日輒去手也選德殿記

樂聞祖宗謨訓

孝宗曰進讀三朝寶訓幾時終篇朕樂聞祖宗謨訓日盡一

卷亦未為多雖難日及休暇亦當時坐自是每讀上必注

目傾耳或隨事咨訪聖謨淵識實與六經寶訓相為表裏率漏下十刻而無倦

詩

不必陪互圃超然待具茨凶兵鑄農器講殿闢書帷杜夔府書懷

論經筵

論經石渠閣

宣帝詔韋元成與五經諸儒雜論於石渠閣韋元成傳

詠書金華殿

成帝嚮學鄭寬中張禹說尚書於金華殿中詔班伯受焉

巨榮奏經義

光武好經術每朝會令巨榮敷奏經義

張酺講尚書



章帝為太子張酺侍講出為東郡太守元和二年巡幸東郡引酺及門生會廷中備弟子之儀使酺講尚書一篇張酺傳

### 講經白虎

章帝建初四年下太常將大夫博士議郎郎官及諸生諸儒會白虎觀講論五經同異帝好古文尚書左氏傳又詔賈逵班固入講北宮白虎觀南宮雲臺

### 更直弘文館

太宗即位於殿左置弘文館悉召內學士更番直宿討論文籍唐百官志

### 入內侍讀

元宗開元三年謂宰相曰朕每讀書有所疑滯無從質問可選儒學之士使入內侍讀又詔羣臣及郡府舉通經士而褚元量馬懷素等勸講禁中天子尊禮不敢盡臣之同上

令續二

### 侍講侍讀

元宗開元十三年改麗正書院為集賢書院選耆儒一人侍讀以質史疑置集賢院侍講侍讀學士同上

### 六經法言

穆宗以韋處厚路隋為侍讀令六經掇其粹要題為六經法言翼助省覽職林

### 經史要錄

文宗以鄭澣為侍讀學士帝使摘經史為要錄又召王起許康佐為侍講學士謂之二侍學士恩寵異等唐史

### 置講席於便殿

本朝太祖置講席於便殿聖政

### 設直廬於祕閣

真宗咸平二年初置翰林侍讀學士擇老儒耆德以充其選



設直廬於祕閣侍讀更直侍講長上召對訪問或至中夕  
侍讀賜緋魚

太宗用著作佐郎呂文仲為侍講又為侍讀賜緋魚直御書  
院聖政

講官賜坐飲茶

本朝舊講讀官每見先賜坐飲茶乃延入閣復坐其後暫起  
講讀畢復坐飲湯乃退呂希吉家塾記

雙日御經筵

仁宗天聖中雙日御筵休務之日亦不廢

雙日講讀

哲宗詔開講筵進讀寶訓講讀日赴資善以雙日講讀仍輪  
一負宿直

二月開經筵

英宗治平初詔以九月五日開講至重陽罷先是仁宗率二  
月開經筵至重午罷八月復開冬至罷呂公著乞依先帝故  
事上從之

八月不罷講

高宗建炎二年謂宰執曰故事自五月至八月罷講若如故  
事則累月當廢講讀朕欲勿罷可乎自是勿罷聖政

金華五箴

仁宗明道中馮元侍講上金華五箴

獻講箴

仁宗時趙元昊反罷進講侍講趙師民獻講箴

三經要語

范祖禹節尚書論語孝經訓戒之言名曰三經要語進之  
條上十議



哲宗時呂公著為侍讀條上十議

賜坐講讀

神宗朝王安石為侍讀請復賜坐講讀下禮官詳議韓維以下三人以為當坐劉摯以下七人以為不當坐乃不行自天聖時侍立至景祐中自講官之外餘皆賜坐元祐初程頤為侍讀復請坐講不從

復坐講之禮

孝宗一日之間再御經筵增勸講之員復坐講之禮雖祖宗好學之美未有是也奏議

說書不兼侍讀

仁宗景祐元年於崇政殿置說書以賈昌朝為之四年改為天章閣侍讀慶曆三年以趙師民預講官復為崇政殿說書蓋秩卑資淺則為說書不兼侍讀呂原明家日記

侍從乃兼講讀

元豐改官制廢翰林侍講侍讀學士不置但以為兼官然必侍從以上乃能兼之其秩卑資淺乃為說書元祐七年復增學士之號後復省去續會要

皇朝通志卷一百一十五



錦繡萬花谷續集卷之三

留題門

臨安府

詩

地有湖山美東南第一州剖符宣政化持橐輟才流暫出論  
思烈遙分肝吳憂循良勤撫俗來暮聽歡謳仁宗賜梅六龍

轉茫海萬騎臨吳津王若本無外駕言蘇遠民瞻波草木秀  
感此瘡痍新登堂望稽山懷哉夏禹勤神功既盛大後世蒙

其仁願同越勾踐焦思先吾身艱難務遵養聖賢有屈伸高  
風動君子屬意種蠶臣高宗賦中和堂怪石蒼蒼影翠霞梅

梢踈瘦正橫斜得因祀事來尋勝試探春風第一花賦梅巖  
俱來滄海郡半作白頭翁謾道風煙接何曾笑語同吏稀秋

稅畢客散晚庭空霽後當樓月潮來滿座風雲溪殊冷僻茂  
苑太繁雄唯此錢塘郡閑忙恰得中白樂天萬株松木青山

上十里沙堤明月中望海樓明照晚霞護江堤白踏晴沙  
濤聲夜入伍負廟柳色春藏蘇小家餘杭形勝世間無州

傍青山縣枕湖遠郭荷花三十里拂城松木一千株北郭  
沙堤尾西湖石岸頭山天竺堆青黛湖號錢塘瀉綠油

笙歌縹渺虛空裏風月依稀夢想間郡樓對龍十峯月  
江界平分兩岸春黃帝除書到青宮謫命催誰教冷泉水

送我下山來三年閑悶在餘杭曾為梅花醉幾場伍相廟  
邊繁似雪孤山園裏麗如粧踏隨游騎心長借折贈佳人手

亦香並藥大潮落海人散鍾遲林寺深方干錢塘岸山春如  
織絲又寒湖帶晴色淮南遊客馬連嘶碧草迷人歸不得溫

飛卿暑月芙蓉秋月濤望斷風光三百里瀋道南會府惟



錢塘高門雙開南斗傍門前碧瓦十萬戶曉色滿城煙雨香

郭功父 繚繞峯巒浮野色參差樓閣起晴煙湖光爭照山間

寺江浪遙連海外天安得翰林風月手一時摹寫入詩篇謝

幼槃 惆悵沙河十里春一番花老一番新東坡沙河燈火照

山紅歌吹喧喧笑語中 明朝且復城中去白雲却在題詩

處 十里珠簾半上鉤 前生我已到杭州到處長如見舊

遊 堪笑錢塘十萬戶官家付與老書生 天外黑風吹海

立浙東飛雨過江來 出處依稀似樂天敢將衰朽繼前賢

並東坡 遊觀須知此地佳紛又人物敵京華林巒臘雪千家水

城郭春風二月花王荆公 萬屋相誇誇漆與丹笑歌長在綺羅

間綵船春戲城邊水畫燭秋尋寺外山同上 躡雲丹井畔望

月石橋邊洞壑江聲遠樓臺海氣連張承吉

安吉州

詩

駱駝橋下頻風起鸚鵡盃中箸下春劉禹錫 水碧山青知好

處開顏一笑向何人 管絃泛春渚旌旆拂晴虹並劉禹錫

勞將箸下忘憂物寄與江城愛酒翁白居易 湖中橘林新看

霜溪上苔花正浮雪東坡贈辛老 雲溪灣裏釣魚翁舫 舫為

家西復東張志和 清風樓下草初出明月峽中茶始生張文

規 天無雲氣水無風月水澄時上下同溪上玉樓又上月清

光含作水晶宮楊漢公 一夜碧瀾堂上坐直疑身在水晶宮

張逸 山橫落日滕王閣江轉孤城庾亮樓爭似碧瀾堂上望

踈踈煙雨漠汀洲陳堯佐 遶郭芙蓉拍岸平花深蕩槳不聞

聲萬家笑語荷花裏知是人間極樂城林希夷 野艇閑撐處湘

天景亦微春波無限綠白鳥自由飛柳色濃垂岸山光冷照

衣時携一壺酒戀到晚涼歸蘇軾 便應築室芳溪上荷葉侵



門水浸堦東坡遶郭荷花一千頃誰知六月下塘春今日  
駱駝橋下泊恣看脩網出銀刀汀洲相見春風起白蘋吹  
花散煙水城中樓閣似魚鱗不見清風起白蘋欲知歸  
路處葦外記風橋夜擁笙歌響水濱回頭樂事已成塵  
挿旗蒲柳市伐鼓水雲鄉何如大艦日高眠一枕清風過  
苕雲天目山前綠浸裾碧瀾堂下看銜鱸作堤捍水非吾  
事閑送苕溪入太湖雲水未渾纓可濯弁鋒初見眼應明  
並東坡揚舲初出禁城東夾岸桃花菊正紅紫綬朱幡金馬  
客清風明月水晶宮楊傑自是尋春去遲不須惆悵怨芳  
時杜牧之挂帆一縱疾於鳥長興夜發吳興曉童敏德

平江府

詩

夜月紅甘樹秋風白藕花劉禹錫欲辭南國去重上北城看

白居易十萬戶州猶覺貴二千石祿敢言貧淨石堪敷坐

寒泉可濯巾黃鸝巷口鶯欲語烏鵲橋頭冰未銷並居易

兵衛森劔戟燕寢凝清香海上風雨至逍遙池閣涼韋應物

久卧雲間已息機青袍忽著狎鷗飛上木落姑蘇臺霜收洞

庭掃蕭條長洲外惟見寒山出劉長卿姑蘇城下寒山寺夜

半鍾聲到客船唐詩夜市買菱藕春船載綺羅杜荀鶴綺閣

飄香下太湖亂兵侵曉上姑蘇越王大有堪羞處祇把西施

賺得吳皮日休半夜娃宮作戰場血腥猶雜宴時香西施不

及燒殘蠟猶爲君王泣數行吳中十日泔泔雨敵蒸庫下

豪家苦可憐臨頓陸先生獨自脩然守環堵廣亭遙對舊

娃宮竹島蘿溪委曲通茂苑臺池低檻外太湖魚鳥徹池中

並皮日休三苑涼波魚蘊動五茸春草雉媒嬌陸龜蒙笠澤

卧孤雲桐江釣明月爲問姑蘇何處所畫橋流水隔天涯



杜李士故臺壘迹在空苑鴈行斜羅隱步武已趨龍尾道夢

魂猶憶虎丘山王禹偁他年我若成功後乞取南園作醉鄉

王黃州浪跡姑蘇人不管春風吹笛酒家樓僧仲殊昨夜虎

丘山上望一輪明月照蘇州僧上太守男兒憂道不憂貧匣

有焦桐篋有文却訪姪蘇臺下隱滿船明月一溪雲裴若訥

常州

詩

終南山下拋泉石陽羨山中買釣舟杜牧之一壑風煙陽羨

里解龜歸去路非賒同上晴沙有底空無色青石潛流暗有

聲微度竹風涵浙瀝細浮松月透輕盈李仲碧山泉曾持使

節駐毗陵長與州人有舊情為報驛橋風月道舍人鬚鬢白

千莖徐鉉獨携天上小團月來試人間第二泉諫坡惠山泉

峽岫當空特不羣嶄然頭角起祥氛毗陵自古多英俊可信

孤峯解主文趙義夫文筆峯平西義戰幾百載江左空遺子

隱臺鄉俗尚傳三害去地基曾見六朝來人隨逝水年年遠

山似屏風面面開誰與宜興尋舊宅至今藏在白雪堆楊傑

鎮江府

詩

南山寂歷風飈發半夜青崖吐明月李德裕地接三茅嶺江

迎伍子濤水國逾千里風帆過萬艘並同上土山京口峻

鐵甕郡城牢劉禹錫山是千重障江為四面濠城下清波

含百谷窻中遠岫到三茅並禹錫北固多陳迹東山復盛遊

皇甫冉廢苑池臺煙裏色夜村簾笠雨中聲陸龜蒙江水中

分地樓城下帶山蕭光燾海遶重山江抱城隋家宮苑此分

明杜牧孤高且弄巨伊笛縹渺堪聞子晉笙甘露寺天接海

門秋水色煙籠隋苑暮鐘聲並杜牧天垂無際海雲白久晴



峯曹松光薄卡迷京口月影交初轉海門風羅隱墻陰沙岸

靜島色海山孤李逢勳北固潮聲急南徐草色閑李嘉祐三

方歸漢鼎一水限吳洲戴叔倫潮平秋水闊雲斂暮山多許

渾僧依玉鑑光中住人在金鼇背上行蘇軾對月

京口夕潮聲海門秋岑參萬古波心月金山名日新天多剝

得月地少不生塵槽過妨僧夢濤驚濺佛身誰言張翥七題

後更無人孫勳雪度維揚臘花逢北固春夏竦甘露樓臺古

金山氣象清范文正北固高樓海氣寒史君應此凭闌看春

山雨後青無限借與淮南洗眼看山分江色破潮帶海山

來並文正半夜樓臺浮海月萬家蕭鼓通江風王平甫金山

寺近塵埃絕鐵甃城高氣象雄同上山形雄北固江勢逼東

漸劉真父兩州城郭青煙起千里江山白鷺飛海近雲濤驚

夜夢天低月露濕秋衣揚公濟地從日月生時見眼到江山

盡處回沈存中夜涼江海近天闊斗牛微張文潛帆檣共天

遠樓觀與雲平山闊三分國江橫十萬兵揚模兩寺鐘聲煙

外聽六朝山色鏡中看顧松年雨過淮山橫嫩綠日銜滄海

露殘紅江入海門吞百粵樓橫鐵甃跨三山蘇文節北顧

橫江盡東南第一州六朝都在望回首倦登樓李仲殊金山

頂上看回鴈鐵甃城西聽杜鵑胡致隆雲藏北固山頭寺煙

鎖南徐水際樓蔡天啓野曠天平入潮生海倒流蔡天啓大江

注海吞三島高閣臨城覽五州綵旆西來橫鐵甃大江東

轉湧金山周虎巨萬壑波濤喧海口千年巖岫據江心晁公

武天遠樓臺橫北固夜深燈火見揚州回船却望金陵月獨

倚牙旗坐浪頭揚公濟海門礙日山雙聳江北迎人樹幾行

李仲殊劉氏宅邊霜竹老戴公山下野桃香東坡傷心很石

千年在極目迷樓百尺空張靈受



嚴州

詩

林中半夜雙臺月洲上春深九里花温庭筠山花含雨潤汀

樹逆潮歌韓翃夜潮人到郭春霧鳥啼山張祐綠樹遠村含

細雨寒潮背郭卷晴沙張祐吳山中路斷浙水半江分方干

春潮撼動鶯花郭秋雨閉藏砧杵村方干慣經險峭收松粉

常趁芳鮮撥茗芽方干江關桐廬岸山深建德城厲翼塢濕

雲埋觀溪寒月照曾貫休古桂林邊基尚濕白雲堆裏茗煙

青同一竿漁釣樂幽深千里溪光弄蒼翠刘昌言灘頭風

月遺千古臺上絲綸寄一身范曄道漢包六合網英豪一箇

冥鴻惜羽毛世祖功臣三十六雲臺爭似釣臺高范文正銅

虎恩猶厚鱸魚味復佳瀟洒桐廬郡烏龍山霽中使君無

一事心共白雲空並同上水截三吳秀山當百粵秋張伯玉

雨後數峯驕欲鬪春來兩港活如飛高吟多謝沈家令中酒

長憐杜紫微張伯玉玉水聲中寒濯筆石楠香裏夜銜杯同

上山形分歛翠溪色到江渾錢鏐瀟洒溪山瀟洒郡太平天

子太平民吕希純兩灘漲定沙痕白七里山晴霧雨開同上

桐江波上一羊裘釣得聲名溢九州天子曷嘗遺故舊先生

不肯事王侯石孝友姜居渭水為周相嚴隱桐江不漢臣試

把二公名節較誰知總是一絲綸李誼溪山侵越角封壤盡

吳根杜牧水聲侵笑語嵐翠撲衣裳杜牧湖居皆釣客郭外

盡禪閑酒市搖青旆公街枕碧山陳軒

江陰軍

詩

黃田港口水如天萬里風播看賈船海外珠犀常入市人間

魚蟹不論錢王荆公戰國干戈禮義隳延陵高節救周衰當



時若嗣諸侯位後世誰傳十字碑生死不欺留劍約興亡都  
在審言知名儒如欲修前史列傳應須次伯夷揚傑海上帆  
來何處客煙中大吠幾人家雲寒鴈影翻紅照水落鷗羣占  
白沙揚蟠獨上高樓望海門青山幾點送歸船寒光淡淡浮  
紅日曉色冥冥散白煙浦外落霞爭捲燒池中流水自鳴弦  
扶欄下見蓬萊影一半仙魂在月邊同上紫萼江上是吾家  
一葉扁舟一釣車何必陶公種魚法兩汀煙渚盡生涯裴若  
訥夢聞斷角送餘響起看新潮到舊痕處處漁塩成市井家  
家留寄長兒孫張彥實

紹興府

詩

州城縈遶拂雲堆照水稽山滿目來四面無時對屏障一家  
終日在樓臺星河影向簷前落鼓角聲從地底回我是玉皇

香案吏謫居猶得小蓬萊元微之遶郭煙嵐新雨後滿山樓

閣上燈初同上登臨不踏紅塵路燕寢長居紫府春張伯玉

數襲斷雲秦望曉一聲寒鴈鑑湖秋張伯玉白雲無事不肯

去幽鳥有時還自來同上山陰道士如相見應寫黃庭換白

鵝李白越女天下白鑑湖五月涼杜甫湖清霜鏡曉潮湧雪

山來李白石帆浮海上天鏡落湖中宋之問漁浦夕陽橫掛

兩鑑壺春浪倒垂天揚蟠浙東歸去君恩重之得蓬萊與鑑

湖趙清獻燕集蓬山兩過涼湖光何獨負知章萬家桃李春

風國兩郡旌旗畫錦鄉揚傑綠楊陰轉畫橋斜舟有笙歌岸

有花盡日會稽山色裏蓬萊清淺水仙家唐詩林聲撼撼動

秋風共躡丹梯上卧龍山路隔西陵二兩水門臨南鎮一千

峯湖吞碧落詩爭發塔湧青真畫幾重非是登高能賦客可

憐猿鶴自相容秦少游會稽竹箭東南美來伴陶弘住管城



可惜不逢韓吏部相從但說楮先生

曾文公詩竹譜

### 慶元府

詩

回合江山真有意去來鷗鷺本無心

汪思溫

早晚渡船潮有

意去來鷗鳥客無心

舒亶

舟從菡萏林中過人在鯨鯢背上

行周鏐不放塵埃生水面為傳風月到皇都

王直五湖圖平

昔山林性今來水石鄉栽花尋秀壠泛酒瀚滄浪

林旦百粵

喧華外三江指顧中耕桑遺俗在草木故城空

舒亶

雲鋪物

外無塵地月滿人間不夜天

塢雲過雨翠成堆天淡平湖

一鑑開

洗出煙華紫翠勻再將絕景付重圍

千山有影螺

垂地一水無塵鏡照人

正舒亶

片帆飛去若輕鴻一霎春潮

過浙東王謝江山久蕭索子真今為起清風

范仲淹送竇尉



錦繡萬花谷續集卷之四

台州

詩

台嶺攀新桂桃源訪舊花孫奭天台隣四明華頂高百粵門

標赤城霞樓樓滄島月李白題桐栢觀台州地闊海真又雲

水長和島嶼青杜甫為農山澗曲卧病海雲邊杜甫四郭青

山連市合一江寒水抱城斜舒亶盡日書齋无案牘有時佳

客上雲霞清心自照江湖水和氣長開草木花 赤城山下

万人家隱又煙霄隔海霞名上仙書留鳥迹盤中佛供薦天

花並舒亶憶昨天台到赤城幾朝仙籟耳中生雲龍出水風

聲過海鶴鳴臯日色清張祐水流玉洞桃花出風過星壇桂

子飄章得象赤城道遠霞明昼瀑布声寒月照冰張師德閑

踏莓苔繞琪樹海光清淨對心燈鮑溶寄隼公赤城千仞聳

霞標聞說精藍近石橋呂夷東送才大師遊人行尽天台路

山家杳又知何處惟有山前一派溪落花依舊流春暮楊傑

温州

詩

密林含餘清遠峯隱半規謝靈運池塘生春草園柳變鳴禽

雲日相輝映空水共澄鮮 揚帆采石華挂席拾海月並

靈運 衆山遙對酒孤嶼共題詩邂逅鄰蛟室人煙接島夷孟

浩然 梯尽甌閩万疊山山頭喜見浙中天好拋靈運崎嶇履

直上林宗散誕船林仰松山驛 孤嶼亭何処天涯水氣中杜

甫 洞口花開新佛寺嶺頭苔鎖古仙壇朱著北山 江北重峦

積翠濃綺霞遙映碧芙蓉不知來後滄溟上減却滄溟第幾

峯張又新羅浮山洞中花木何曾老月畔樓臺轉更寒楊



仙岩三十六坊月一般今夜明 水如碁局分香陌山似屏  
風繞登樓 西城貪看爭船日多少珠簾不下鈎 綠觴春  
送酒紅燭夜行舟 並揚蟠城郭尋常眼不閑誰能一一訪林  
岫已將好景都吟過留與游人取次看 許石丞往年遊海嶠  
上徹最高層雲外疑无路林間忽見僧虎蹲臨澗石猿掛半  
岩藤 呂夷東鴈山新入春遊眼却笑平生未見山 王十朋淨  
名庵下靈岩路峻壁層崖倚半空我愛老僧年八十一生常  
在翠屏中 呂夷東西湖三載與君同馬入塵埃鶴入籠東海  
獨來看出日石橋先去踏長虹 東坡石城嶺下白蓮宮天柱  
峯前碧玉叢誤入蓬瀛知有路迴看畜畜恨无功平霞列嶂  
堆蒼黛飛瀑寒岩掛斷虹眼底更无塵一點雲川休說水晶  
宮 周邠明朝拄杖丹丘去帶得煙霞過海船 王十朋

婺州

詩

梁日東陽守為樓望越中綠窻明月在青史古人空江靜聞  
山狝川長數塞鴻登臨白雲晚留恨此遺風 崔顥不羨三刀  
夢蜀都留將八詠繼三吳 東坡送呂昌朝知嘉州 婺女星文  
臨分野金華山色截虚空 晁迥婺女星精照郡城東吳獨占  
得嘉名樓中八詠古今絕檻外双溪昼夜清 錢鉉金華戴雨  
連空碧潑水含秋徹底清 魏羽清風解揖袁宏扇嘉詠惟歌  
沈約詩刀衍天晴碧落瞻星女雲破金華見洞門欲召初平  
共追賞群羊猶在赤松原 劉滋兩條碧水簷前過八首新詩  
石上題 蘇畋婺女星分銀漢遠金華山壓鏡湖平 劉益接近  
初平石星分織女機 趙壁浩渺双溪水崢嶸三洞天凭闌有  
倦客指點望星躔 具禮千嶂煙雲連結郡兩溪風月接蘭洲  
蔣叵初平羊起空遺石 織女機成豈待梭却笑東陽能賦客



只將八詠室山河延陵真鼎驚雷殷二南山曲一夜山前春  
雨足美人睡起怯餘寒衣褪香銷紅減玉朝雲靄二弄晴態  
野柳狂花無管束東君也自足風情吹皺兩溪煙水綠徐璠

處州

詩

三峯半從碧二水合流清僧智蟾擊天成一柱鎮地出三吳  
曾會詠汕都山步靈藏羽客滴翠濕樵夫同上林間松化石  
門外玉為城楊傑山碧煙无色溪寒玉有聲潘約禮縉雲標  
地望婺女接星躔梁顯寒泉清冽骨瘦石小如拳方雲絕  
壑深喬木飛泉隱亂山葉石林官舍却如僧舍靜吏人渾似  
野人閑江待舉滿塢白雲耕不破一潭明月釣無痕管師復  
疊嶂兩餘泉眼出澄潭風靜釣絲垂蝶隨遊妓穿花逕犬吠  
行人隔槿籬楊大年桃李成蹊春盡後漁鹽為市日中時同

上圭形直上明河路桂影遙分漲海濤發地五千何足貴去  
天三百未為高孫何題仙都石筍長橋跨岸虹垂地高閣凌  
雲蜃吐樓陳舜俞蘿杉色裏登臺閣瀑布聲中閱簿書方干  
贈刺史莫誇春色欺秋色未信桃花勝菊花秦少游風雲出  
沒有時有煙雨空濛无日无錢仲韶煙雨樓皇都仙客入仙  
都厭看西湖看鼎湖王十朋仙都名字滿人間此是吾州第  
一山王信簇二漁鹽喧古市聲二絃誦半儒家姚述堯

衢州

詩

早時清燕喜林間丘壑聊為物外閑應訝壺中見雲海不知  
平地有三山徽宗羽人閑伴玉堂仙暫許從容水石邊坐想  
日長鈴索靜故教詩思發雲泉同上若二磐石固炎宗舊德  
咸知屬望崇末路從渠棄天爵危言要自沃淵衷晴嵐喜作



洛眉綠霜葉休欺醉貌紅試向龜峰問明月清光何處不相  
同孝宗送安定郡王石壁早聞僧說好今來偏與我相宜有

山有水堪吟處無雨無風見景時漁父晚船分浦釣牧童寒  
笛倚牛吹盡人盡得從他畫畫得應輸八句詩杜甫鶴石壁

寺軒外長溪溪外山捲簾空曠水雲間高齋有問如何樂清  
夜安眠曰昼閑趙清獻羽客一枰無復見青山留得爛柯名

錢顛石搗碧雲深處敞樓臺萬壑松聲驟雨來橋下一枰猶  
隱約獨留仙迹勝天台同上落日千年事空山一局碁趙湘

巨靈一夜擘山開三石推從天外来仙斧斫開修月路化工  
築作挽河臺周雲叟江郎山天上樓臺山上寺雲邊鐘鼓月

邊僧邵康縣郭連青野人家蔽綠蘿地偏春事少山迥夕陽  
多韓駒對岸煙林雙佛寺隔灘風笛一漁村趙清獻雙旌欲

掩春歸去鶯花撩亂啼紅雨物情渾似別君難君意可能忘  
好処汪忱双石堂行人羊晚渡歸馬破秋煙陸游過招賢渡

### 建康府

#### 詩

吳時花草埋幽徑晉國衣冠成古丘李白鳳皇臺三山半落

青天外二水中分白鷺洲同上山圍故國周遭在潮打空城寂  
寞回淮水東邊舊時月夜深還過女墻來劉禹錫潮滿冶城

渚日斜征虜亭蔡洲新草綠幕府舊煙青吳慶由人事山川  
空地形後庭花一曲幽怨不堪聽朱雀橋邊野草花烏衣

巷口夕陽斜舊時玉榭堂前燕飛入尋常百姓家土山京  
口峻鐵甕危郡城罕並禹錫湘潭雲尺暮山出巴蜀雪銷春水

來許渾樹声材店晚草色古城秋徐鉉盧龍材舍雲散便疑  
千里望日斜常占半城陰唐仁傑南朝四百八十寺多少樓

臺煙雨中杜牧煙籠寒水月籠沙夜宿秦淮寄酒家商女不



知亡國恨隔江猶唱後庭花杜牧石城古岸頭一望思悠又  
幾許六朝事不禁江水流劉洞江南堤柳拂人頭李白題詩  
偏酒樓揚文公一片湖光共深淺兩般泉脉異温凉朱存峯  
多巧障日江遠欲浮天東坡魚上晚潮沙市合鴉啼寒樹石  
城昏王琪石燕拂雲晴亦雨江豚翻浪夜還風杜牧之

太平州

詩

宅近青山同謝朓門垂碧柳似陶潛李白卧看落月橫千丈  
起喚清風得半帆且並水村歌側過人間何處不燒巖東坡  
青山控野雙門壯白浪排空萬馬來游酢豹塘春雨綠泱泱  
謝市煙深柳線長捲幔夕陽留不住好風將雨過梅塘沈括江  
迥偏留月山空不住雲遙怜李太白曾憶謝將軍帆影隨潮上  
樵声隔岸聞柳綿迷客眼三月雪紛又郭祥正姑熟溪邊霜

葉飛凌歌臺上暮雲歸謫仙一去不復返悵望青山空翠微

莊董凌歌臺山連吳楚周遭起水合湖湘洶湧來千里風煙

同樂國萬家歌吹共春臺梅灝琉璃萬頃碧如堆盡棟閑雲

戶牖開晴障勢吞三楚盡暮湖聲帶九江來六朝寂寞惟流

水孤壘荒涼只舊臺惆悵騎鯨人已老夜船空棹月明迴李

寧國府

詩

雲中辨江樹天際識歸舟謝朓遙想敬亭春欲暮百花飛尽

柳花飛劉禹錫深秋簾幕千家雨落日樓臺一笛風杜牧風

定遠帆依郡郭夜深寒笛起江樓張祐一登高閣眺清秋滿

目風光盡勝遊何處畫橈尋綠水幾家鳴笛咽紅樓杜荀鶴

題開元寺翡翠列成千嶂碧琉璃瀉出兩溪寒長安若問

江南事說道風光在水西唐宣宗江山如畫裏山晚望晴空



兩水夾明鏡雙橋落采虹人煙寒橘柚秋色老梧桐白登樓

徽州

詩

幾處樓臺背枕水四州城郭半圍山山色揔兼溪色好

松聲長作雨聲寒汪彥章日邊人去雁行斷江上秋高楓葉

寒汪彥章此老曾中百萬軍暫勞試手犬羊羣山頭不復望廷尉

挂下何須用惠文解帶為城神戲劇賣刀買犢便耕耘三山

勝處開華屋千載人傳舊史君千里閩山駟騎飛天

書趨解海邊圍異軍方逐蒼頭起元帥徐將白羽揮翻就鏡

歌春舉酒收還烽火夜開扉向來萬事閑兵氣都作風光坐

上歸同上並汪彥章

信州

詩

鵝湖山下稻梁肥狄弄雞樓對掩扉桑柘影斜春社散家家

扶得醉人歸顏賓霜葉飛梁苑風檣指上饒江山應有助別

恨寄蘭苕楊億送錢易聞說上饒風物好錢郎詩思奈春河

劉筠送錢易籍甚聲名喧魏闕奇風物指吳鄉上饒此去

逾千里莫惜臨岐酒滿觴王曾送錢易天師蒼翠橫金錫地

清簾掩竹葉千里白雲隨野步一輪明月上秋衣林逋招

皎師雨中吳岫碧林罅楚梅黃使節江湖外城樓翼軫旁晏

殊郭外溪流溪外山山峯長在白雲間千層懷玉對

軒窻池上新亭號玉光抵此便堪為吏隱神仙官職水雲鄉

章鄒公五山吏隱堂幾年不作月巖遊萬里重來已白頭陸

游江湖舟楫千帆市煙火人家兩岸聲韓龍李

池州

詩



我愛銅官樂千年未擬還要須回舞袖拂盡五松山李白亭  
宇清無比溪山盡不如杜牧牛猪南來沙岸長遠吟佳句望  
池陽張祐醉凭危檻波千頃愁倚長亭柳萬條羅隱閑吟秋  
浦月華靜醉卧九峯雲片高樊若水子明丹竈封秋藓太白  
書堂鎖暮雲李虛己郡府清閑性又閑樓臺終日水雲間馮  
振河天月暈魚分子灑葉風微鹿養茸山谷閑行池口江邊  
路看盡淮南岸上山古詩嶂没千重霧江涵萬里天湘潭送  
波浪吳楚會風煙鄭許江涵秋影鴈初飛與客携壺上翠微  
人世難逢開口笑菊花須插滿頭歸杜牧九日齊山登高

饒州

詩

雲壑釀成千嶂雨風嶺吹作一汀秋董穎鄱江樓風吹燕語  
落簷聞底事驚回夢裏閑說與傍人都未信杖藜携酒看芝

山刘季孫

一堤揚柳月十里芰荷風史定之薦福寺薦福碑

前水蒲湖芝山携酒看來無韓滉有客打碑來薦福無人騎

鶴上揚州江寒魚動槍旗影山晚雲和鼓角聲章孝標館

依高嶺分樟葉路入重江見葦花朱餘慶曉來一雨洗新秋

身在江東畫圖裏王十朋餘干清音堂松尾颿又石浪寒胡

啼蕃曲轉聲酸人間無比春風手應是江妃夜夜彈姜夔琵琶

琴州夙駕安仁道行行得自娛荒山園野闊遠樹出林孤景

晦長煙合天寒碧草枯歸心懷遠路極目尚平蕪朱晦庵

南康軍

詩

萬頃波心露一拳不知星落是何年章得象落星寺今日湖

中石當年天上星蔣之奇月明如畫九江水天靜無雲五老

峯黃庭堅五老峯三峽橋邊春見雪落星寺裏暮聞鐘蔡肇



隆興府

詩

大雄真跡枕危巒古梵層樓峻萬般日月每從肩上過山河  
長在掌中觀仙華不問三春秀靈境無時六月寒更有上方

人罕到暮鍾朝磬碧雲端唐宣宗地接洪崖府溪通劔水濱

張景先梅仙觀湖風渡彭蠡山月宿吳城徐樞密茗泛綠雲

收北苑稻炊紅玉取西山魏兼東浦秋濤漲西山暮雨餘鄭

戩劔鏗衝夜氣閣影動秋濤司馬溫公南昌襦褲歌將洽西

掖絲綸演未遲燕肅秋波下南浦晚氣望西山謝絳春風欲

下陳蕃榻曉月猶憑帝子樓王珪細雨滕王閣春風孺子亭

胡致隆帆似馬來思杜預劔為龍去憶張華楊傑白屋可能

無孺子黃堂不是欠陳蕃山谷湖邊喬木幽人宅樓外長江

帝子洲向郎中雲分西嶺三秋雨蘋割東湖一曲風洪諫議

南浦隨花去迴川路已迷暗香無覓處日落畫橋西王荆公

南浦亭滿地鵝鴨生野菜遶林狗骨見山花徐東湖姑聖院

滕王閣上煙波遠孺子亭中花竹深何偁百雉城頭難却月

五雲峯頂欲乘風曾少師南國松楸舊東湖水石涼盛度鳳

凰山畔永思堂山谷先生有舊鄉脩水年年流不盡斯文長

與日爭光徐得之双井堂蜀道稀天險南州號地靈山腰生

西露屋角走雷霆揮扇雲生岫開窓月傍孺明朝一回首毛竹

插天青古詩西安瀟洒我常遊多自脩川泛小舟民本豐饒

矜氣節士多儒雅出公侯梅山晚翠屏當戶茶井香芽雪滿

甌預想絃歌富閑暇白雲深倚鳳凰樓孔平仲送分寧宰

袁州

詩

莫以宜春遠江山多勝遊韓文公秀水東奔彭蠡浪萍川東



注洞庭波素昭一尺詔書天上降二千石祿世間榮彭濟賀

太守月明行路聞猿斷花暗山城見吏稀劉長卿袁山大小

雙螺並秀水東西一帶橫古詩百尺古松松下寺寶幡珠蓋

畫珊又閑庭甘露幾回落青石綠苔猶未乾易思題龍興寺

山秀雲成葉江湍浪作花陳兵書天窓通月影地穴透江津

晉胡徽題洪陽洞春漬苔紋沁石塔月含松韻雜琴聲王欽若

柳雲閣風送江聲穿郡郭日推雲影下峯巒劉厚隆宜素臺

為怜綠葉四時在不可朱闌一日無王雲此君軒雪霜難與

挫高節風月自然生好音王雲竹声軒小亭高古占城闌地

迥全無一點壁時有行雲自來去晚來施雨欲留人王孝先

通雲亭一派泠泠繞攪清塵襟洗滌自涼生夜深好夢纔驚

破疑是半天風雨聲婁乾雁瀟又闕濕又嶺雲生竹菌冥冥

江雨熱揚梅王荆公



錦繡萬花谷續集卷之五

江州

詩

浪生湓浦千層雪雲起爐峯一柱煙來明春晚綠野秀岩高

白雲屯攀岩照石鏡牽葉入松門謝靈運湖中見遙島勢壓

九江雄香爐初上日瀑布噴成虹孟浩然日照香爐生紫煙

遙看瀑布挂長川飛湓直下三千尺疑是銀河落九天李白

香爐峯色隱晴湖種杏仙家近白榆杜甫先踏爐峯真蘭若

徐飛錫杖出風塵杜甫乘潮發湓口帶雪別廬山白居易湓

水遠橫簾幙外廬山晴落酒杯中從此潯陽風月夜崔公

樓替庾公樓樓閣宜賓客江山入好詩聲來枕上千年

鶴影落盃中五老峯蘭省花時錦帳下廬山兩夜草庵中

遺愛寺鍾歌枕聽香爐峯雪潑雲看康康便是逃名地司

馬仍為送老官並居易竹痕影占中庭月松檻聲聞半壁泉

張祐麟臺朝士辭書府鳳闕禪宗出帝京歸到雙林親慧遠

行過五柳訪淵明裴休桃花護說武陵源誤殺剗郎不得仙

爭似蓮花峯下客裁成紅杏上青天張景題董真人樓上堯

廬紫翠環檻前湓浦轉清灣帆開三楚蒼茫外路入雙林育

靄間張舜民泉噴繡谷長時兩雲擁香爐白昼煙王韶東林

寺橫看成嶺側成峯到處看山了不同不識廬山真面目只

緣身在此山中東坡城花飛照水江月上明樓張正巳鹿石

曉寒雲漠又虎溪春淺水潺又張固回首潯陽三百里雲中

猶自見廬山章峴瀑布長垂千丈雪紫霄直拔萬重巔九江

波動翻銀浪五老霞生簇錦筵僧祖可錦水雪融三楚合滄

溟潮上九江迴吳嘯



吉州

詩

看竹經霜少聞猿帶雨多

劉長卿

嶺近山相屬江通水不流

无雲方万里有月正中秋

徐府中秋對月

玉立竹千畝金垂橘

万頭

徐府

鷺洲盤地軸螺浦瀉天津

王庭珪

江闊吞章貢原

長接廣閩

同上

遠適庐陵郡重江去不窮全家片帆底三月

怒濤中齊唐山圍蘭若青螺遠江帶蘋洲淨練橫

劉惔

為愛

江西物物佳作詩常向北人誇青林霜日換楓葉白水秋風

吹緇花釀酒烹雞留醉客鳴機織紵遍山家

歐陽永叔 義山

山下有靈泉又号聰明自古傳四百年中三出相不才何幸

繼前賢

劉沆 聰明泉

贛州

詩

卷五

二

章川貢川結襟帶梅嶺挂嶺來朝宗山谷安得雄文壓勝境

九原喚起杜陵公

同上

貢水在東章在西鬱孤臺與白雲齊

蔣穎叔

迢遞南康路清輝得使君虎符秋鎮俗鶴序早辭羣

揚巨源 送人赴任

章江來自西貢水東其源合流虎頭下共

注鼉口村

葛修敏

贛石三百尺寒江尺五流楚山微有霰秋

瘡久无愁

東坡

坐看犇湍遶石樓使君高會百无憂

東坡八

濤頭寂寞打城還章貢臺前暮靄寒白鵲樓前翠作堆縈

雲嶺路若為開

三

朱樓深處日微明皂蓋歸時酒半醒

君那暇日參禪一望叢林一悵然

五

却從塵外望塵中无限人

聞煙雨濛濛

六

雲煙縹渺鬱孤臺積翠浮空兩半開

障碧參差雲外高人世得知

一

建昌軍

詩



願享麻姑長不死時觀滄海變桑田白樂天雲蓋青山龍卧  
處日臨丹洞鶴歸時劉禹錫聞說東南第一州區二來詩小  
蓬丘湖光帶日黃金擁山色疑煙碧玉守鄧閩卓地迥七杉  
成斗野雨餘雙練瀉晴川李長民花洞路中逢鶴信水簾山  
下見龍眠沈彬文雅登臨謝守才愛山今作別山來知公未  
厭真仙境早擁江南使節來鄧潤甫送黃守解印拂曉旌幢  
遠訪真洞中和氣一番新爭迎謝守同遊客尺是方平舊會  
人山峭亭臺多占月地靈風物只知春清歡何必望簪助自  
有紅泉碧澗鄰饒師道銅陵映碧澗石磴瀉紅泉謝靈運

南安軍

詩

暫着南冠不到頭却隨此鴈與歸休平生不作史三窟今古  
何殊貉一丘東坡一人自種千頭橘遠客來尋百結花浮石

已乾霜後水焦坑閑試兩前茶東坡嶠嶺古來憚絕徼梯山

從此識通津余靖今日平安出嶺時瘴氛猶在澗征衣一條

路入江南去万里人從海上歸程師孟兩州南北護梅關及

日人行石壁間章穎路當嶺表初通處地占江西最上頭同

上碧練萬尋橫浦水翠屏千里度梅山閔師文人逢歲稔家

餘粟地近嶺南冬不冰鄭億年英江今日掌刑回上得梅山

不見梅輟漆買將三十本清香留與雪中開有婦人侍父生

英州司寇歸題詩嶺雲夏變梅蒸早越賈秋藏桂蠹多劉均

揚州

詩

故人西辭黃鶴樓煙花三月下揚州孤帆遠影碧山尺唯見

長江天際流李白送孟浩然眇二雲山去幾重依二獨聽廣

陵鍾明朝借問南來客五馬雙旌何處逢劉長卿廣陵寒食



天無霧復無煙晚日真化柳春風散管絃姚合斜陽竹西路  
歌吹是揚州杜牧十年一覺揚州夢贏得青樓薄倖名二

十四橋明月夜玉人何處教吹簫並杜牧島上花枝繫釣船  
隋家宮殿水連天江帆自落鳥飛外月觀靜依春色邊趙嘏

煬帝都城春水邊笙歌夜上木蘭船三千宮女自塗地十萬  
人家如洞天同上楊子江頭楊柳春楊花愁殺渡江人數聲

風笛離亭晚君向瀟湘我向秦龔谷見說西川景物勝維揚  
景物勝西川青春花柳樹臨水白日綺羅人上船杜荀鶴取

履橋邊啼鳥換釣璫溪畔落花初李德裕夜市千燈照碧雲  
樓高紅袖客紛紛如今不似時平日猶自笙歌徹曉聞王建

人穿魚蟹市路入斗牛天雲水家千里江山月一船世子民  
馬蹄輕蹙柳花浮醉入淮南第一州不是青樓羞畫倖自緣

無錦不纏頭沈文通二十四橋千步如春風十里捲珠簾韞

忠覺京口瓜洲一水間鍾山只隔數重山春風又綠江南岸  
明月何時照我還王荆公揚子江頭南北路木蘭船上往來

入蔡襄都將二十四橋月換得西湖十頃秋歐永叔天下無  
雙十淮南第一州文章老元帥節義古諸侯楊傑贈太守江

淮天設險星斗地分維無表

真州詩

孤舟日日去無窮行色蒼茫杳靄中山浦轉帆迷向背夜江  
看斗辨西東歐永叔江濤翻鷺羽連天白山疊屏風到海

青安路浮生兩如寄萬重波裏一浮萍劉敞炎荒往返正三  
年重過長蘆古寺前萬里風波行欲盡停橈南望一潸然張

舞民灘聲猶帶湘江水野色遙分建鄴山沈大椿風駕晚潮  
急浪頭相趁過水歸瓜步小船下鉢陵多梅堯臣



楚州

詩

城礙十洲煙鶴路寺臨千頃夕陽川趙鼎半升濁酒試葦羹  
賤買魚蝦已厭烹淺水依蒲有船過淡煙籠月更人行呂公著  
人不將臺榭壓城闔爭柰長淮四面春聞道公餘一吟嘯滿  
天風雨助精神玉詳

秦州

詩

陽和不擇地海角亦逢春范文正西溪牡丹異香穠艷壓群  
葩何事栽培近海涯開向東風應有限憑誰移入五侯家呂  
文靖西溪牡丹壁間金闕倚天開五見宮花落晚槐明日扁  
舟滄海去却尋雲氣望蓬萊劉放自道山倅海陵

通州

卷五

五

詩

門外海濤奔鐵騎檻前山背擁金鰲陳博古海山樓渡口人  
稀點翠煙登臨常怯夕陽天殘雲右倚維陽樹遠水南回建  
鄴船夏英公登狼山海腹藏吳楚天樞轉斗牛夜分驚日浴  
潮落見鯨遊齊唐江氣南吞吳分野海波北撼楚封陲揚士  
彦題狼山京洛黃塵久倦遊一官來寄海邊洲姚闢初日光  
回天尚暝暮潮聲落地先秋同上狼去青山迹已陳惟餘樓  
閣向南薰蓬瀛氣象三峰在吳楚封疆一水分任伯雨

滁州

詩

獨憐幽草澗邊生上有黃鸝啼似鳴春潮帶雨晚來急野渡  
無人舟自橫韋應物西澗曉窻度急雨夏木交繁枝淮南氣  
候殊經秋轉黃鸝王元之北樓失職金盞假一麾琅邪山色



遶城池解龜且作三年調下馬先吟八絕詩 開樽暫喜愁

腸破堆案仍勞病眼看 昔作優賢地今為省過州非賢亦

非過醉卧懷嵩樓題懷嵩樓吏人散後無公事門戟森森夕

鳥還 金鑿失職負蓬瀛也向淮邊領郡城堆案簿書為俗

吏滿樓山色負吟情 日邊信斷無歸夢滁上公餘且醉吟

並王元之 弊邑亦何有青山遶城樓石醜駭溪怪水竒瞰龍

湫歐永叔諸縣豐登少公事一家飽暖荷君恩 同上題王元

之畫像 滁山高絕滁水深空巖悲風夜吹林 滁南幽谷抱

千峯高下山花遠近紅當日辛勤皆手植而今開落任春風

欲知穎水新居士即是滁山舊醉翁 並歐永叔深藏西竺

寺寒擁北譙城石字贊皇古泉銘庶子清 盛度滁水西偏郡

豐山北際樓 趙繁題懷嵩樓庶子泉通青嶂遠贊皇樓對白

雲深 李虛己偏州地狹民事簡醉翁自放山水中琅邪倚天

色蒼翠遜泉落石聲玲瓏 富鄭公題醉翁亭夜雨暗添西澗

水春風開徧北樓花 曾肇

### 盱眙軍

詩

泊舟淮水次霜降夕流清夜久潮侵岸天寒月近城 常建泊

舟軒地隔中原勞北望潮連滄海欲東游 東坡梅生紅粟

初迎臘魚躍銀刀正出淮 張文潛星低春野路月淡夜淮

風 漠漠淮煙天際晚蕭蕭山雨坐中秋 孤城淮北晚鍾

殘落日橋邊送客鞍 淮天水闊浮梁小城郭霜暗寶塔高

疑是盱眙郭門外月明帆席過清淮 並張文潛綠野有佳

氣清淮無點塵 蔣之奇泗水西來一帶長望中煙浪似吾鄉

雲收鴈塔初晴影月照龜山午夜光 周邠過盱眙迢迢綠樹

淮天曉靄靄紅霞海日晴遙望四山雲接水碧峯千點數帆



輕周明老題龜山四敘詩亭從東去第一山登臨身在白雲  
間市樓斜日紅高下客艇煙波綠往還王渥門說淮南第一  
山老來方此凭闌干孤城不隔長安望落日空悲汴水寒顏  
師古萬里中原清未了半篙淮水碧無情揚萬里自古東南  
第一山于今無異玉門關亂雲衰草蒼茫外赤縣神州指顧  
間擊揖何人酬壯志凭闌終日慘秋顏中原父老應遺恨祇  
見旌車歲往還蔡戡從來香草騷人詠晚作離宮煬帝遊三  
殿重重鎖秋色七泉脉脉貫中流吳宗旦

廬州

詩

昔年吳魏交兵地今日永平會府開沃壤欲包淮甸盡堅城  
猶抱蜀山迴柳塘春水藏舟浦蘭若秋風教弩臺獨有無情  
原上草青青還入燒痕來朱服登郡城懷古晴湖列遠岫万

壘來駭奔橫入小蜀崗金友依玉昆朱服將軍邊寇力能任

陳迹依然得重尋血遶樓船龍戰息水搖城堞雉飛深肥

川勝賞冠他州浦口揚舲得後遊梅雨正迷江國路蘋風先

破洞庭秋並朱服冠帶淮南第一州揚鞭得從史君遊木魚

声断東淮曉水行香傳後浦秋郭祥正隘惠子蜀山迥出千

螺秀肥水長縈一帶迴猶有金城藏後浦不惟銅雀起高臺

異時爭戰掃何處秋鴉年年去復來郭祥正山為浮來海莫

沉蕭梁曾此布黃金梵僧親指著閣路帝女歸傳達磨心地

控好峯排万仞澗餘流水落千尋靈蹤断處今何在日夕雲

霞望轉深澤用孫題浮槎山

安慶府

詩

龍舟輕颭錦帆風正值神遊望遠空回首皖公山色翠影斜



不到壽杯中

家明齋

離江漠漠葉重重東遇清淮過宿松縣

好也知臨皖水官閑應得看潛峯

羅隱

蕭岳積蒼翠皖溪生

素藏

馬藏

皖伯臺前綠樹春吳塘初下碧溪分舊游風景長

牽夢遙羨高文望白雲

徐任

浙瀝風生羅豆木蒼蒼江雲失皖

公山

王荆公

皖城終日靜如山府掾應從到日閑一水碧羅

裁繚繞萬岷蒼玉刻孱顏

皖山西去百重山塵迹今埋杏

靄開白首行藏空自感春風江上照衰顏

並荆公

勢忝吳楚

分作鎮向同安地勝塵寰隔天深洞府寬位將衡嶽敵根与

霍山蟠日轉香爐暖風清玉照寒石樓平郡堞天柱倚雲端

禪鄰祖師塔仙接左慈壇元宗曾立廟漢武亦鳴鑿

孫僅題

潛山

父留舒子國慣作北門遊山遠二一峯出溪長二水流

師川竹暗喬公宅林藏伍相祠

白水十丈瀑吳塘千頃流

林依玉照遠雲爲石盆留春色年年好溪山事事幽

君過

秋浦正逢秋亦到樅陽皖水頭九派先將明月去三峯少爲

白雲留 喬公宅下路已沒皖伯峯前雲未開

虎頭玉照

南北嶺麟角石盆三兩峯

橫舟千古樅陽水一逕公谷達

觀臺

北峽遠連南峽險小龍峻逼大龍高並徐師川



錦繡萬花谷續集卷之六

潭州

詩

夜醉長沙酒曉行湘水春杜甫湘水似伊水湘人非故之登  
 臨獨無語風柳自搖春鄭谷題望湘亭湘南相比水悠悠二佳  
 處中間冠十州楚客留騷收不尺唐人題跋尚分流譚申衡  
 嶽半天秀湘潭无底清歐陽唐千里瀟湘瑟瑟流因思舊宅  
 在鰲頭鑿開青帝春風滴移下常娥夜月樓徐仲雅馬家公  
 子好樓臺鑿破青山碧沼開啼鳥不知人事變數聲猶傍水  
 邊來何承矩聞提壺有感城中煙樹綠漫二百万樓臺綠影  
 間陸龜繞郭白雲衡嶽近蒲帆明月洞庭秋郭解春過三湘  
 渡真觀八景嵩雲藏嶽麓寺江入洞庭湖張總得公退也須

偷賞翫郡城无处不樓臺張拭

衡州

詩

猿到夜深啼嶽麓鴈知春近別衡陽杜荀鶴湘竹班二湘水  
 春衡陽太守虎符新朝來笑向歸鴻道早晚南飛見主人韓  
 雄五千里路望皆見七十二峯中最高盧戴南嶽詩曾到祝  
 融孤頂上步隨明月宿禪關夜深一陣打窻雨卧聽風雷在  
 半山陶弼獨上雲梯三百級回眸失笑万山低毛季子

永州

詩

零陵郡北湘水東唐浯溪形勝滿湘中元次山零陵郡北雲帆  
 落信美墓前江月明石淺風高灘瀨急孤舟一夜聽寒声李  
 當遇賢才思述作崖石尚磨礧元子詞華麗顏公筆迹雄周



縑磨崖碑詩湘川嘉致在沿溪元結雄文向此題想得後人  
无以繼高名長与白雲齊永守王仲水部曾中星斗文太師  
筆下蛟龍字張文潛崖邊尚有堪磨處留刻中興第二碑李  
益虛魯國筆端昭日月次山書法得春秋趙不息

郴州

詩

橘井蘇仙宅茶經陸羽泉張舜民義帝憑祠宇梅真隱市廛  
張淨休何處轉添孤客恨兩溪流水一城花同上无水不如  
三峽險有山皆似七閩深阮美成千峯險似三川峽一水声  
如八月潮一溪清此万峯環人過重二紫翠間綠竹喬松  
三十里雲中猶未見蘇山一萬壑深連郴水出千門高擁石  
門開詠石門簷松山影水光中携酒时來伴釣翁四岸煙雲  
芳草綠一闌風雨落花紅湖亭溪東舊觀神仙宅城北高樓  
刺史家 蛮雲瘴雨千峯外邑屋人家十里間並阮美成城  
上危亭可摘雲四邊山色翠為鄰下窺城郭无餘蘊草色花  
光尽是春關孝忠春亭東帶連山接五羊西分郴水下三  
湘路人到此休南去領外千峯尺瘴鄉同上黃相山蘇仙宅  
古煙霞老義帝墳荒草木秋千古是非无处問夕陽西下水  
東流沈彬家鄰漢室真人宅路入唐朝宰相鄉百歲峯前秋  
色靜三賢祠下菊花香朱国器過石門郴嶺最高處桐軒臨  
水開晚晴東比望直見鬱孤臺朱丞相滿溪北望三湘西九  
疑个中无处不嶽崎黃夢得地高風易作天漏雨偏多訪橘  
蘇仙井看碑義帝坡王道原亂山深处出樓臺秋入羣松万  
壑哀嵐翠逼人清似霧雖聲落石響如雷潘正夫

寶慶府

詩



濱水西來兼邵水龍山橫鷺際梅山歐陽識已過長其一舍  
寬逆行猶自挽征鞍我无惠政蘇凋瘵何事邦人淚不乾沈  
自鍊作客今年樂有餘邵陵岐路不崎嶇山川好處歌紗帽  
桃李香中度荀輿陳簡齋

江陵府

詩

極望沔陽浦江天渺不分張九齡雪深迷暹路雲暗失陽臺  
孟浩然白魚如切玉朱橘不論錢杜甫地尺西通蜀天文北  
照秦江陵望幸野曠呂蒙營江深劉備城公安懷古南紀連  
銅柱西江接錦城並杜甫自有碧江无限好荆州佳境不須  
山郊獬簾卷巫山雨炉烹月嶺茶楊覃慷慨思劉表淒涼為  
屈原蘇軾地連雲夢澤人在水精宮山谷不趨吏部曹中板  
且繪高沙湖裏魚誰謂石渠劉校尉來依絳帳馬荆州並

山谷江村竹樹多於草山路塵埃半是雲姚合

鄂州

詩

揚舲發夏口按節向吳門王維白雲黃鶴自來去綠水青山  
无古今時定張樂魚龍依岸聽賦詩賈客倚船看他年得第  
彤庭直拜疏終求鄂渚官孫何黃鶴樓前人不見却尋鸚鵡  
過汀洲游儀漢水北吞雲夢入蜀江西帶洞庭流游儀疎星  
殘月漾中流黃鶴樓前鸚鵡洲王初寮但見石城多草木足  
知江夏父吳亡張舜民空遺費仙跡不見庾公游草木有新  
色江山餘故愁李宗孟渺二洞庭野蕭二黃鶴樓水通雲夢  
澤人渡沔陽舟廣澤侵吳壤孤城接郢丘山分三楚斷溪入  
九江流張俞鄂渚千古月明臨夏口山晚望巴東劉長卿

常德府



詩

昔日任秦事可嗟直驅雞犬入桃花至今不出煙溪口  
萬古潺湲一水斜李太白露暗煙濃草色新一番流水滿溪春可  
怜漁父重來訪只見桃花不見人同上春來遍是桃花水不  
辨仙源何處尋王維露交蒹葭浦星懸橘柚村春江千里草  
暮雨一声猿刘禹錫當時避世乾坤窄此地安家日月長草  
色幾經壇杏改浪花猶帶洞桃香李峯山前溪是當時水源  
上桃非舊日花多是魚郎漏消息洞門從此鎖煙霞古尔真

岳州

詩

源水桃花色湘流杜若香陰鏗涼雲羃楚望濛雨蔽荆岑張  
談巫山雲雨峽湘水洞庭波雲間東嶺千重出樹裏南湖  
一片明並張說氣蒸雲夢澤波撼岳陽城孟浩然三方窺汶

鼎一水限吳洲戴叔倫詩思亂隨青草發酒腸俱逐洞庭寬

李羣玉帆向巴陵山下過雨從神女峽邊來朱餘慶吳楚東

南折乾坤日夜浮杜甫蛟室圍青草龍堆隱白沙杜甫千里

晚霞雲夢比一洲霜橘洞庭南張泌洞庭湖上清秋月二皎

湖寬萬頃霜韓偓水涵天影闊山拔地形高僧曾顯西顧疑

无地中流忽有山許棠歌枕夜聽湘浦雨扶筇秋望洞庭山

吕蒙正幾處雲藏寺千家月在舡范文正万尋迷岳屿百仞

起樓臺歐陽脩不饒衡岳秀長占洞庭心王頌

峽州

詩

峽內多雲雨秋來尚鬱蒸遠山朝白帝深水謁夷陵杜甫万  
丈赤幢潭底日一條白練峽中天白樂天黃牛渡北移征棹  
白狗崖邊捲別筵神女臺雲閑繚繞使君灘急瀉湍同上



復命連三峽波瀾極目愁片雲生斷壁孤石礙中流道路連  
塞風煙接楚丘寇萊公三峽倚岩巖南遷地最遙物華豈  
可愛鄉思獨无聊江水連青嶂猿声在碧霄歐永叔未臘梅  
先發經霜葉不凋江雲懸蔽日山霧晦連朝 春風疑不  
到天涯二月山城未見花殘雪壓枝猶有橘凍雷驚笋欲抽  
芽 春山四顧乱无涯雞犬蕭條數百家楚俗歲時多雜用  
蛮風言語不通華 經年迂謫厭荆蛮惟有江山與未闌醉  
裏人歸青草渡夢中船下武牙灘 並歐永叔 鶯花閉塞三千  
里雲雨巫山十二重 張宗元 楚山連白帝蜀道控烏蛮 吳景  
倏忽驚狼尾回旋過虎頭相看逢白狗猶自見黄牛 錢公樓  
上何由楚塞名楚人曾此設重高固知宇宙同文軌聊把江  
山作障屏 黃捕雲連三峽蒼茫外人在千峯紫翠間 曾踏天  
閣已開三峽險雲來相接五湖秋 唐迪 楓落楚江寒鴈靜月  
高巫峽夜猿哀 秦惟肖 雄當蜀道三千里魏壓荆南十五州  
雲夢茫茫 堪縱望章華杳 二但疑愁 許自誠

歸州

詩

寫真不然毛延壽視死還同岳大夫異世同鄉俱薄命空令  
千載起嗟吁 白藻 謾取忠臣比香草不知諛口起椒蘭 晏殊  
羣山万壑赴荆門生長明妃尚一村一去紫臺連朔漠獨留  
青塚向黃昏 杜甫 若道巫山女醜何得此有昭君村 同上

德安府

詩

靈蛇橋下水流声曾向邊頭詔別情還把餘杯重相勸不堪  
秋草持卽城羅隱 聞說挑花岩石畔讀書曾有謫仙人 蔡確  
城頭百尺樓 二上乱雲浮日下卽川暮煙橫夢澤秋 范雍 樓



在浮雲縹渺間浮雲破處見朱闌山光對入郢城紫溪影橫  
飛夢澤寒荆湘朝雲尚拂陽臺去羽獵曾圍夢澤來曾南豐

荆門軍

詩

南國山川舊帝歲宋臺梁館尚依稀劉禹錫襟帶巴連蜀封  
疆楚接吳黃夷簡高嶺便從雲外見峴山應向雪中看張復  
詩碑經峴首貫酒過宜城莫問依劉事休傷平屈情李維也  
勝連巫峽波寒隔漢津張宗壽孤城深鎖亂雲間城上雲開  
曲二山負郭惠泉誰共訪衛公詩碣綠苔斑孫僅江路北來  
通漢水上風南去接荆蛮孫僅門外溪山荆渚路馬前梅杏  
淡江春李宗諤煙凝郊郭障波平翠蓮樓臺楚嶠奇趙安仁

襄陽府

詩

楚山橫地出漢水接天回杜審言楚塞三湘接荆門九派通  
江流天地外山色有无中王維襄陽行樂處歌舞白銅鞮李  
白空思羊叔子墮淚峴山頭李白別乘向襄州蕭條楚地秋  
江声官舍裏山色郢城頭岑參曉日登臨感晉臣古碑零落  
峴山春松间殘露頻二滴酷似當時墮侯人胡曾

郢州

詩

愁隨江路尺喜入郢門多孟浩然故郢生秋草寒江淡落暉  
劉長卿若是石城无艇子莫愁還自有愁時李商隱江上接  
高十二梯梯二登遍与雲齊人從別浦經年去天向平芜尺  
处低寒色不堪長黯二秋光无奈更凄二闌干曲尺愁无尽  
水正東流日正西刘賓客古郢雲間白雪樓漢江環繞石城  
流何人知道遠天月曾向朱門送莫愁胡曾千里寒江遠檻



古今愁山連巫峽多雲雨路入荆門幾去留十  
五馬客一宵沉醉石城樓野人休唱陽春曲白尺湖  
南刺史頭張舜民煙籠草遠望不尺千古後紅關夕陽彭谷

成都府

詩

西蜀稱天府由來擅沃饒重浮玉壘夕日映錦城朝南尋九  
折路東上七星橋盧思道九天開出一成都万户千門入盡

篙李白錦水東流繞錦城星橋北挂象天星李白遠煙鹽井

上斜景雪峯西杜甫牌含西嶺千秋雪門泊東吳万里航同

上經心石鏡月到面雪山風雪嶺界天白錦城曛日黃宋

郭蒼江合西山白雪高劍閣星橋北松州雪嶺東並同上

雪下文君酤酒市雲藏李白讀書山江樓酒恨黃梅後村落

人歌紫芋間彭谷蒙頂茶畦千點露浣花牋紙一溪春揚雄

宅上唯喬木村南臺荒絕舊鄰彭谷易竟錦城銷白日雜歌

蜀道上青天雲敷牧野耕桑雨柳拂旗亭市半煙薛田文翁

室暗封苔藓諸葛祠荒草且邊同上西漢文章世所知相如

閔麗冠當時游人不賞陵雲賦只說琴臺是故基田况詠琴

臺似知金馬客時夢碧雞坊東坡万里橋西万里亭錦江春

張与堤平吕大防朝暮岷山秀東西錦水流吳中復游琴臺

崇慶府

詩

市柳風煙慘汀蘋歲月催蜀詩風威帶雪連秦樹山勢將寒

入蜀門張竟民訟庭多雨綠苔荒勝事閑隨日月長水足野

田云鼓急風回山焙茗旗香雪峯見処朝初霽秋暑消時夜

未央國表民三千官柳四十琵琶蜀詩

自州



詩

江山秀氣聚西眉比屋宗儒李有規李熙績吾家蜀江上江

水綠如藍東坡想見青衣江畔路白魚紫筍不論錢同上膠

西高處望西川應在孤雲落照處瓦屋寒堆春後雪峨眉翠

掃雨餘天同上沈啼和峽雨棧尺到江波一路白雲裏飛泉

灑霹靂賈島蜀道盤行去不迷故園猶在武陽西龐籍石

昌言巢鳳閣邊芳遠夢繫龍橋下認前題同上峨眉向我笑

錦水為君容東坡綠荷紅芰香四合誤入芙蓉城裏來石滿

綿州

詩

綿州二府何磊落頭慶年中越王作孤城西北起高樓碧瓦

朱甍照城郭樓下長江百丈清山頭落日半輪明君王舊迹

今人賞轉見千秋杜甫千古情杜甫跨嶮盤危壓古州至天傳號

越王樓山分冷翠侵簷滴水壁寒聲遶檻流王珪誰曲折

浣江水雲影低銜富樂山喬林富樂之名誰所留建安年中

劉豫州擁兵入蜀萬繼猗羸璋送國來迎頭交如巴山酒如

涪富樂之名此其由唐庚詠富樂山涪江風月為誰清莫向

涪翁問姓名萬古涪江流不尺漁磯月似舊時明鮮于侁

漢州

詩

西湖多勝景飛蓋喜相陪暑氣迎秋尺江声向夕來程琳詠

西湖西園勝槩名天下唐相經營用意工岳嶼回環壓湖面

樓臺重複倚雲空僊纓泉漱存遺迹促軫亭空想舊風公暇

未許无客會春遊更喜与民同程珣一頃煙波四面平亦然

唐相舊經營秋高林木形容古落日樓臺彩繪明文与可

潼川府



詩

金華山北涪水西仲冬風月始淒二山連越舊蟠三蜀水散

巴渝下五溪杜甫馬首見鹽亭高山擁縣青雲溪花淡二春

郭水冷二山縣早休市江橋春聚船並杜甫屏開十里盡

紅淺兩岐風劉蛻遊南山官舍如僧舍翛然萬慮清等閑无

客到容易有苔生張士遜山遶一城藏古寺江連二水送孤

舟李之簡山圍梓蜀千秋景水接東吳万里天劉公申

夔州

詩

昨夜巫山下猿声夢裏長桃花飛綠水三月下瞿唐李白曉

日照樓船三軍拜峽前白雲隨浪轉青壁与城連万嶺岷峨

雲子家橘柚川盧綸夔子城新築長江便作壕百蠻歸拍掌

三峽見秋毫王延禧路入巴渝通兩蜀江連荆楚接三川宋

官費唐筒竹民蠲沽水錢丁寧後來者莫負義名泉王十朋

見說唐峽斜銜灑灑頰根難於尋鳥道險過上龍門白居易

忠州

詩

忠州三峽内井邑聚雲根小市嘗爭米孤城早閉門杜甫巫

峽中心郡巴城四面春白樂天龍昌寺底開山路巴子臺前

種柳林白樂天荔枝新熟雞冠色燒酒初開琥珀香欲摘一

枝傾一盞西樓无客共誰嘗白樂天荔枝樓對酒瘴山風霜

早温天氣候催窮冬不見雪正月已聞雷張商英

涪州

詩

合水來如電黔波綠似藍東坡地據襟喉重城依雉堞堅東

漸鄰楚分南望帶夷邊舟楫三川會封疆五郡連之煙繁峽



內風物冠江前溪自吳公邑園由妃子傳許雄山共峻馬援  
垣相豳離急羣豬沸崖高落馬懸石魚占歲拾鐵櫃驗晴天  
地暖冬无雪人貧歲不綿岩標山谷字觀塑尔朱仙馬提幹  
涪州五十韻江連白帝浮空下山背青城出劔來王庶江分  
巴子水樹入夜郎煙戴淑倫

黔州

詩

亂山來蜀道諸水出辰陽司空曙水声巫峽裏山色夜郎西  
唐詩相望六千里天地隔江山十書九不到何用一開頰霜  
降水反壑風掃木落山丹二歲華晚昆虫皆閉閤山谷謫黔  
州尺五攀天二慘顏塩煙溪瘴鎖諸蛮山谷不醉黔中身去  
得磨圍山月下蒼二白樂天

錦繡萬花谷續集卷之六







